

四庫全書

集部

欽定四庫全書

宋文鑑卷二十八

宋 呂祖謙 編

詩 七言絕句

天人

邵雍

義軒堯舜雖難復湯武相更尚可循事既不同時又異
也由天道也由人

禁煙留題錦屏山下

邵雍

春半花開百萬般東風近日惡摧殘可憐桃李性溫厚
吹盡都無一句言

懶起

邵雍

在記不記夢覺後似愁無愁情倦時擁衾側臥未忺起
簾外落花撩亂飛

送蘇修撰赴闕四首

張載

秦蹏於今未息肩高蕭從此法相沿生無定業田疆壞
赤子存亡任自然

道大寧容小不同
顛愚何敢與機通
井疆師律三王事
請議成功器業中

闔闔天機未始休
袵衣胝足兩何求
巍巍只為蒼生事
彼美何嘗與九州

出異歸同禹與顏
未分黃閣與青山
事機爽忽秋毫上
聊驗天心語默間

別館中諸公

張載

九天宮殿鬱岧峣
碧瓦參差逼絳霄
藜藿野心雖萬里

不無忠戀向清朝

聖心

張載

聖心難用淺心求
聖學須專禮法修
千五百年無孔子
盡因通變老優游

老大

張載

老大心思久退消
倒巾終日面岩堯
六年無限詩書樂
一種難忘是本朝

有喪

張載

有喪不免道終非少為親嫌老為衰舉世只知隆考妣
切思不見我心悲

土牀

張載

土牀煙足紬衾暖瓦釜泉乾豆粥新萬事不思溫飽外
漫然清世一閒人

芭蕉

張載

芭蕉心盡展新枝新卷新心暗已隨願學新心養新德
旋隨新葉起新知

貝母

張載

貝母階前蔓百尋
雙桐盤繞葉森森
剛強顧我蹉跎甚
時欲低柔警寸心

題解詩後

張載

置心平易始通詩
逆志從容自解頤
文害可嗟高叟固
十年聊用勉經師

怪石

黃庶

山鬼水怪着薜荔
天祿辟邪眠莓苔
鈎簾坐對心語口

曾見漢唐池館來

白雲庵

黃庶

白雲無種滿地生
有時出山為雨露
老僧惆悵望雲歸
盡日庵前自來去

偶成

程顥

雲淡風輕近午天
傍花隨柳過前川
旁人不識予心樂
將謂偷閒學少年

送呂晦叔赴河陽

程顥

曉日都門颺旆旌晚風鏡吹入三城知公再為蒼生起
不是尋常刺史行

贈司馬君實

程顥

二龍閒臥洛波清今日都門獨餞行願得賢人均出處
始知深意在蒼生

題館壁

劉敞

壁門金闕倚天開五見宮花落古槐明日扁舟江海去
却從雲氣望蓬萊

山堂偶書

唐 詢

在處煙雲早晚生自疑呼吸氣皆靈十年夢寐江山裏
今見江山入戶庭

冬至日遊吉祥寺

蘇 軾

井底微陽回未回蕭蕭寒雨濕孤荻何人更似蘇夫子
不是花時肯獨來

唐道人言天目山上俯視雷雨每大電但聞雲中
如嬰兒聲殊不聞雷震也

蘇 軾

已外浮名更外身區區雷電若為神山頭只作嬰兒者
無限人間失著人

陳季常所蓄朱陳村嫁娶圖二首 蘇軾

何年顧陸丹青手畫作朱陳嫁娶圖聞道一村惟兩姓
不將門戶買崔盧

我是朱陳舊使君勸耕曾入杏花村而今風物那堪畫
縣吏催錢夜打門

朱陳村在徐州蕭縣

春日

蘇軾

鳴鳩乳燕寂無聲日射西窗潑眼明
午睡醒來無一事
只將春睡賞春晴

贈劉景文

蘇軾

荷盡已無擎雨蓋菊殘猶有傲霜枝
一年好景君須記
最是橙黃橘綠時

望湖樓醉書二首

蘇軾

黑雲翻墨未遮山白雨跳珠亂入船
卷地風來忽吹散
望湖樓下水如天

放生魚鼈逐人來無主荷花到處開
水枕能令山俯仰風船解與月徘徊

望海樓晚景二首

蘇軾

橫風吹雨入樓斜壯觀應須好句誇
雨過潮平江海碧電光時掣紫金蛇

青山斷處塔層層隔岸人家喚欲磨
江上秋風晚來急為傳鐘鼓到西興

書雙竹湛師房

蘇軾

暮鼓朝鐘自擊撞
閉門孤枕對殘缸
白灰旋撥通紅火
臥聽蕭蕭雪打窗

王莽

蘇軾

漢家殊未識經綸
入手功名事事新
百尺穿成連夜井
千金購得解飛人

金橙徑

蘇軾

金橙縱復里人知
不見鱸魚價自低
須是松江煙雨裏
小船燒薤擣香齏

霜筠亭

蘇軾

解籜新篁不自持，嬋娟已有歲寒姿。
要看凜凜霜前意，須待秋風粉落時。

中秋月

蘇軾

暮雲收盡溢清寒，銀漢無聲轉玉盤。
此生此夜不長好，明月明年何處看。

梅花二首

蘇軾

春來幽谷水潺潺，的皪梅花草棘間。
一夜東風吹石裂。

半隨飛雪渡關山

何人把酒慰深幽
開自無聊落更愁
幸有清溪三百曲
不辭相送到黃州

南堂

蘇軾

掃地燒香閉閣眠
簟紋如水帳如煙
客來夢覺知何處
掛起西牕浪接天

書李世南所畫秋景

蘇軾

人間斤斧日瘡痍
誰見龍蛇百尺姿
不是溪山曾獨往

何人解作掛猿枝

題澄邁驛通潮閣

蘇軾

餘生欲老海南村
帝遣巫陽招我魂
杳杳天低鷓沒處

青山一髮是中原

歸計

沈括

住山人少說山多空
只年年憶薜蘿
不是自心應不信
眼前歸計又蹉跎

姑熟

沈括

新晴渡口百花香
石子池頭鴨弄黃
捲幔夕陽留不住
好風將雨過梅塘

靜居

李宗易

大都心足身還足
祇恐身閒心未閒
但得心閒隨處樂
不須朝市雨雲山

虞姬墓

蘇轍

布叛增亡國已空
摧殘羽翮自令窮
艱難獨與虞姬共
誰使西來敵沛公

秋祀高禩

蘇轍

乾德年中初一新頽垣破瓦委荆榛興亡舉墜干戈際
閒暇方知國有人

題陽關圖

黃庭堅

斷腸聲裏無形影畫出無聲亦斷腸想得陽關更西路
北風低草見牛羊

題李伯時畫嚴子陵釣灘

黃庭堅

平生久要劉文叔不肯為渠作三公能令漢家重九鼎

桐江波上一絲風

北窓

黃庭堅

生物趨功日夜流
園林才夏麥先秋
綠陰黃鳥北窓簟
付與來禽安石榴

和謝公定河朔漫成

黃庭堅

漢時水占十萬頃
官寺民居皆濁河
豈必九渠忘故道
直緣穿鑿用工多

梅福隱居

黃庭堅

吳門不作南昌尉上疏歸來朝市空
笑拂巖花間塵世
故人子是國師公

次韻子瞻延英入侍

黃庭堅

延和西路古槐陰不隔朝宗夙夜心
公有胸中五色線
平生補袞用功深

戲題小雀捕飛虫畫扇

黃庭堅

小蟲心在一啄間得失與世同
輕重丹青妙處不可傳
輪扁斲輪如此用

竹枝歌二首

黃庭堅

竹竿坡面蛇倒退
摩圍山賈胡孫愁
杜鵑無血可續淚
何日金雞赦九州

命輕人鮮甕頭船
日瘦鬼門關外天
北人墮淚南人笑
青壁無雞聞杜鵑

答聞善二首

黃庭堅

公擇醉面桃花紅
人百忤之無愠容
革老夜闌傾數斗
焚香默坐日生東

陶令舍中有名酒無夕不為父老傾四坐歡欣觀酒德
一燈明暗又詩成

病起荆江亭即事

黃庭堅

成王小心似文武周召何妨畧不同不須要出我門下
實用人材即至公

臺下

沈遼

石梅落落欲黃時細雨濛濛暗不開數日不行臺下路
不知江水過山來

宿濟州西門外旅館

晁端友

寒林殘日欲棲烏，壁裏青燈乍有無。
小雨愔愔人假寐，臥聽疲馬齧殘芻。

召試學士院

王欽臣

翠木陰陰白玉堂，長年來此試文章。
日斜奏罷長楊賦，閒拂塵埃看畫牆。

題淺沙泉

黃履

欄低沙淺一泓寒，雨不增深旱不乾。
要識有源為可取，

餘波更向大江看

次韻答學者

陳師道

太阿無前鋒不缺鉛刀不堪供一切至柔繞指剛則折
善而藏之光奪月

寄都下故人示王子安

陳師道

湖海相忘日自疎經年不作一行書世間惟有韓康伯
肯為淵明住世餘

絕句

陳師道

里中餽杏得嘗新
馬上逢花始見春
勤苦著書如作吏
世間枉是最閒人

贈吳氏兄弟

陳師道

得失媿妍只自知
略容千載有心期
恨君不識金華伯
何處如今更有詩

絕句

陳師道

書當快意讀易盡
客有可人招不來
世事相違每如此
好懷百歲幾回開

經筵大雪不罷講二首

呂希哲

水晶宮殿玉花零
點綴宮槐臥素屏
特勅下簾延墨客
不因風雪廢談經

強記師承古道先
無窮新意出陳編
一言有補天顏動
全勝三軍賀凱旋

曾點

呂大鈞

函丈從容問且酬
展才無不至諸侯
可憐曾點推鳴瑟
獨對春風詠不休

題宣州後堂壁

張耒

過雨山亭暑氣微
老人猶未試生衣
滿園閒綠無人到
春日南風燕子飛

栢武公

張耒

北征談笑縛姚公
靜掃諸陵見洛嵩
不用登高笑夷甫
正緣此輩使君雄

絕句

張耒

風掉浮煙匝地回
雨將濃翠撲山來
晚涼鼓角三吹罷

夕照江天萬里開

漫成

張耒

閉門春風作往還
誰家有花堪醉眠
柳腰榆筴爭入眼
江海一枝遠如天

北郊

呂大臨

村北磽田久廢耕
試投嘉穀望秋成
天時地力難前料
萬粒須期一粒生

送劉戶曹

呂大臨

學如元凱方成癖文似相如反類俳獨立孔門無一事
惟傳顏氏得心齋

題驛舍

盧秉

青山白髮病參軍旋糶黃糧買酒尊但得有錢留客醉
也勝騎馬傍人門

送呂子進

張舉

籬鷄雲鵬各有程匆匆送別未忘情恨君不在蓬籠底
共聽蕭蕭夜雨聲

守關

劉季孫

晨雞三叫未開關，留滯行人更解鞍。
却上月明高處立，曉風吹面作清寒。

題李世南畫扇

蔡肇

野水潺潺平落澗，秋風瑟瑟細吹林。
逢人抱甕知村近，隔塢聞鐘覺寺深。

自歎

任伯雨

當年言路亦逡巡，白簡青蒲十一人。
半斥炎荒半除籍，

而今無一預朝紳

感古二首

任伯雨

一言借諭資鍾會意在張華亦已深
大抵知言由養氣
可憐晉武有蓬心

指鹿姦謀豈偶然都緣人事不由天
要知左右皆言馬
只為當時殺正先

途中

張公庠

一年春事又成空
擁鼻微吟半醉中
夾路桃花風雨過

馬蹄無處避殘紅

張辟疆

劉 躒

老畫駸駸不可攀
風流依約片言還
小兒若悟他年事
肯復生心涕淚間

春日村居

崔 鷟

春草門前已沒靴
更無人過野人家
離離細竹時聞雨
淡淡疎簾不隔花

讀漢書

鮑欽止

漢公事業比阿衡純用詩書至太平它日何人頌功德
至今嘲笑亦諸生

垂虹亭

米黻

斷雲一葉洞庭帆玉破鱸魚霜破柑好作新詩繼桑苧
垂虹秋色滿東南

題泗濱南山石壁曰第一山

米黻

京略風沙千里還船頭出汴翠屏間莫論衡霍撞平星
斗且是東風第一山

杜牧

田晝

弟病兄孤失所依當時書語最堪悲
豈圖乞得南州後却限尋芳去較遲

墨子

田晝

末學紛紛自有師能言兼愛我猶疑
定知已駕雲梯後却悔初心注染絲

見降羌感事

晁詠之

沙場尺箠致羌渾玉陛朝趨雨露恩
自笑百年家鳳闕

一生腸斷國西門

暮雨

謝邁

晚雨牆東暗綠槐
清陰亭院鎖莓苔
委堦紅藥將春去
點水青荷與夏來

雨中謾成

謝邁

東風渾作勒花寒
寂寞林塘不受看
玉板鶴翎俱未識
梨梢空有淚闌干

村老

馬存

肉死皮乾垂鬢絲尋暄扶杖向東籬
文王沒後無人問
直至而今大半饑

自齊山借舟泛湖還家

曹緯

十里平湖漫不流晚風吹浪打行舟
定知歸得侵燈火
家在菰蒲最盡頭

茅塘馬上

賀鑄

壯圖忽忽負當年回羨農家過我賢
水落陂塘秋日薄
仰眠牛背看青天

欽定四庫全書

宋文鑑卷二十八

欽定四庫全書

集部

宋文鑑卷

二十九

詳校官監察御史臣劉湄

助教臣常循覆勘

總校官降調編修_臣倉聖脉

校對官中書_臣牛稔文

謄錄監生_臣劉翰周

欽定四庫全書

宋文鑑卷二十九

宋 呂祖謙 編

詩 雜體

星名

二十八宿歌贈无咎

黃庭堅

虎剝文章犀解角食未下元竒禍作藥材根抵罹斲掘
蜜蜂奪房抱饑渴有心無心材慧死人言不如龜曳尾

衛平咳口無南箕斗柄指日江使噫狐腋牛衣同一煥
高丘無女甘獨宿虛名挽人受實禍累基既危安處我
室中凝塵散髮坐四壁蠢蠢見天下奎蹄曲隈取脂澤
婁豬艾緞彼何擇傾腸倒胃得相知貫日食昴終不疑
古來畢命黃金臺佩君一言等背觸月沒參橫惜相違
秋風金井梧桐落故人過半在鬼錄柳枝贈君當馬策
歲晏星回觀盛德張弓射雉武且力白鷗之翼沒江波
抽絃去軫君謂何

人名

和蕭十六

孔平仲

式微子歎歸期滯疎鐘皓月僧窓睡滿郭丹楓已送秋
李白桃紅春又至綠楊朱戶鎖娉婷燕趙壹笑誰相親
紅顏回盼能溺人有若大川無際涘吾曹操行薄雲天
去險就平當擇地嚴君平昔教諸子肯向贛江為此事
勿損仁義縱歡娛力與主張興廢墜不才彊使酬杜詩
搦管能令言鄙志

郡名

郡名詩呈呂元鈞

孔平仲

相人觀久遠要且視資質酒酸本多甘絹敗為少密公
 家渭川後端亮氣不屈播移雖喬土寧妥如舊華優游
 歸孔聖坎壈笑趙壹儻來等榮辱所遇順勞逸道閣接
 談賓文房散書帙當其泰定時海宇更無物耳目并已
 忘何心蘄冕黻忽聞韶曲奏更覺巴音失溫純比金玉
 清越勝琴瑟似追少陵步真得建安骨從今益淬厲及

此舒長日唱酬安敢同心欽但齋栗

藥名

登湖州銷暑樓

陳亞

重樓肆登賞豈羨石為廊風月前湖近軒窓半夏涼
青識漁浦芝紫認仙鄉却恐當歸闕靈臺為別傷

荊州即事五首

黃庭堅

四海無遠志一溪甘遂心牽牛避洗耳臥著桂枝陰
前湖後湖水初夏半夏涼夜闌鄉夢破一鴈度衡陽

垂空青幕六一一排風開石友常思我預知子能來
幽澗泉石綠閉門聞啄木運柴胡奴歸車前挂生鹿
雨如覆盆來平地沒牛膝回望無夷陵天南星斗濕

建除

重贈徐天隱

黃庭堅

建極臨萬邦稽古陛下聖除書日月下有耳家相慶滿
意見升平父老扶杖聽平生所傳聞似仁祖德性定鼎
百世長囊弓均夷靜執事當在朝官冷殊未稱破帽風

歌歌簡易不騎乘危顛相扶持泉石共嘲詠成樂澗河
中傲世似未敬收潦下秋船期公拜嘉命開元命觀事
身得見全盛閉門長蓬蒿或許老夫病

八音

八音歌答黃魯直

晁補之

金蘭況同心莫樂新相知石田罹清霜念此百草腓絲
看煮繭吐士聽憤排語竹馬非妙齡美人恐遲暮匏繫
魯東家今君尚天涯土膏待陽瘴氣至如咄嗟革薄不

可廓士迫下流惡木無松栢心蝸處螻蟻託

四聲

還鄉展省道中作四聲詩寄豫章僚友

孔平仲

蕭灘波潺湲巴丘山崔嵬江天如相迎風吹浮雲開思
鄉人皆然惟子頻歸來松楸彌青鮮春容生泉臺久雨
水陡長決漉似海廣葦底解小艇曉起蕩兩槳早飯野
篠下鳥語靜愈響有酒我不飲引領但子想四際又暮

夜意詣尚未到繫纜坐樹蔭
嘒嘒厭聚噪徑步氣尚暝
岸嘯韻自報內顧自慰幸比歲屢拜掃執熱逼入伏一
葉益局促日落月欲出豁若脫桎梏木色鬱碧幄竹節
削綠玉赤脚踏白石宿泊得沐浴

藏頭

寄賈宣州

孔平仲

高會當年喜得曹日陪宴衍自忘勞力回天地君應憊
心狹乾坤我尚豪豕亥論書非素學子孫干祿有東臯

十年求友相知寡分付長松蔭短蒿

呈章子平

孔平仲

玉路聲華星斗傍方州投老憩甘棠木逃剪伐枝長碧
石耐鐫磨性有常巾褚藏經勤問學子孫傳業富文章
十年流落歸何暮日聽除書侍玉皇

藥名離合四時

春

孔平仲

草滿南園綠青青復間紅花開不掃地錦繡逕相通

夏

漿寒飲一石
蜜液和巖桂
心渴望天南
星河粲垂地

秋

參旗挂綵木
通夕涼如水
銀漢耿半天
河橋暝煙紫

冬

雪片擁頽垣
衣裘冷如甲
香醪不滿榼
藤枕倚殘牋

回紋

泊鴈

王安石

泊鴈鳴深渚收霞落晚川
析隨風歛陣樓映月低
弦漠漠汀帆轉幽幽岸火
然壑危通細路溝曲繞
平田

一字至十字

詠竹

文同

竹竹森寒滌綠湘江濱
渭水曲帷幔翠錦戈矛
蒼玉心
虛異衆草節勁踰凡木
化龍杖入仙陂呼鳳侶
鳴神谷
月娥巾帔靜冉冉風女
笙竽清簌簌林間飲酒
碎影搖
罇石上圓碁輕陰覆局
屈大夫逐去徒悅椒蘭
陶先生

歸來但尋松菊若論檀欒之操無敵於君欲圖瀟灑之
姿莫賢於僕

兩頭織織

兩頭織織二首

張舜民

兩頭織織女梭半白半黑右軍鸞
腦腦膊膊石子坡
磊磊落落大風歌

兩頭織織屢綰絲半白半黑蠅
蠹之腦腦膊膊母赴兒
磊磊落落忠臣詞

五雜組

五雜組四首

孔平仲

五雜組垂衣裳往復來就桀湯不獲已翦夏商

五雜組花木春往復來江湖人不獲已議和親

五雜組錦繡段往復來隨陽鴈不獲已猶仕宦

五雜組朝霞明往復來車馬行不獲已方用兵

了語不了語

了語

孔平仲

公餽欲成忽覆鼎銀餅汲絕還沉井乳虎咆哮落深窞
青劍一揮斷人頸

不了語

孔平仲

無言以手尋珮環寒暑迭運彫朱顏八駿踏地幾時徧
六龍駕日何年閒

難易言

難易言二首

蘇舜欽

擬把鉛刀伐丹桂欲坐智井攀青天排羅嬰兒拒九虎

未若以道干貴權

地上拾芥亦細碎
掌裏數丈猶苦辛
脫使摘丸下峻阪
未若以財而發身

聯句

劍聯句

范仲淹

歐陽修

滕宗諒

聖人作神兵以定天下厄
范蚩尤發靈機
干將構雄績

歐
橐籥天地開
鑪冶陰陽闢
滕南帝輸火精
西皇降金

液
歐炎炎崑岡熒
洶洶洪河擘
范雷電助意氣
日月淪

精魄滕神氣不在天錯落就三尺歐直淬臨溪泉橫磨

太行石歐雄雌威並立晝夜光相射范提攜風雲生指

顧煙霞寂滕堅剛正人心耿介志士跡歐初疑成夏鼎

魑魅世所適滕又若引吳刀犀象謂無隔范截波虬尾

滑脫浪鯨牙直歐頑水挂陰雷皎月乘孤隙歐河角起

慧氣雲罇露秋碧范曉鑿星斗爛夜匣飛龍宅范舞酣

霰雪回彈俊球琳擊滕鮮搖雪水光膩亂湘山色滕青

蛟渴雨瘦青虺蟠霜脊歐清高鏘以鳴寒姿堅且澤范

鬼類喪影響倭黨摧肝膈歐一旦會神武四海屠兇逆

范周王奉天討商郊千里赤歐楚子揚軍聲秦師萬首

白范祥輝冠吳楚殺氣橫燕易范與君斬鼉足八極停

震虢歐翁辱荆鵬翼三辰增煥赫范莫使化猿翁辱我

為幻惑范莫使暴虎人屈我執仇敵滕尊嚴侯冠冕左

右舞干戚歐功成不可留延年空霹靂范

風琴聯句 謝濤希深 梅堯臣聖俞

竅竹漏天風張弦擬嶧桐佳名從此得妙響未曾窮希

深
夜靜危臺上人閒皎月中依依聽不足秋露滿蘭叢
聖俞

悲二子聯句

蘇舜元才翁蘇舜欽子美
二子謂穆脩凌孟陽

有客自遠方來以二子說穆子疾病初家事巨細缺鄰
人苦其求才翁醫師久已決案盃小大空布被旁午裂

餘喘尚能鼓

子美

老慣知己結目淒望羊泓髭斷反蝟

茁憂酸繫餘生

才翁

圓曲勿自悅吾屬何流離衆人方

草竊凌子久道路

才翁

十口著羈屑恰旅重江間正值

大饑節既無裹飯交

子美

疾走繼麤糲又無執漿人及

時沃括渴惜哉殞天命

才翁

痛焉在親經帝胡生爾身

世復稱其傑胸伏氣萬丈

子美

腸貯怨百折艱難泊風

波憔悴墮霜雪久僕勤龍鍾

才翁

弱女癡跛躡文隨寒

餓空道與煙焰滅魂兮竟何歸

子美

去矣不得別長府

豈無財莫濟醫藥切太倉豈無粟

才翁

莫解腹腸熱天

子聖在上海內清欲澈伊人胡不官

子美

既死安得活

朝青與暮紫神喜天下軋昂車與怒馬

才翁

門滿道不

絕之子苟間側斯民乃貪饕高亢世弗親子美方嚴鬼

所掣敢言才足珍寧免否來蓄思潛淚輒抽才翁慘舊

面成耄舉目此牢落側身今鄙媒箴言耳空虛子美險

論口碗腕作詩告石梁聊以慰寒骨才翁

地動聯句蘇舜元舜欽叔才舜元舊字也

大荒孟冬月叔才末旬高春時日腹昏盲俵子美風口

嗚嗚咿萬靈困陰戚叔才百植嗟陽衰濃寒有勝氣子

美大凍無敗期六指忽搖拽叔才羣蹠初奔馳九銅落

蟾吻

子美

始異張渾儀列宿犯天紀

叔才

預驗漢志辭

民甕函鼓舞

子美

禁堞彊崩離坐駭市聲死

叔才

立怖

人足踣坦途重車債

子美

急傳壯馬歆陵阜動撫手

叔

才礫塊當揚箕停汚有亂浪

子美

僵木無靜枝衆啄不

暇息

叔才

杳嶂驚欲飛踊搭撼鐸碎

子美

安流蕩舟疲

倒壺喪午漏

叔才

顛巢駭眠鷗居人眩眸子

子美

行客

勞觸兒南北頓儵忽

叔才

西東播戎夷四鎮一毛重

子

美百川寸涔微斗數不知大

叔才

軒輕主者誰共工豈

復愁

子美

富媪安得為寧無折軸患

叔才

頓易崩山悲

衆蟄不安土

子美

羣毛難麗皮驚者去靡所

叔才

仆或

如見擠轟雷下簷瓦

子美

決玉傾倉染雙顛太室吻

叔

才四躍宸庭螭萬宇變旋室

子美

百城如轉機念此大

菑患

叔才

必由政瘕疵勝祉勇厥氣

子美

孤陽病其威

傳是下乘上

叔才

亦曰尊屈卑夫惟至靜者

子美

猶不

可保之况乃易動物

叔才

何以能自持高者恐顛墜

子

美

下者當鎮綏天戒豈得慢

叔才

肉食宜自思變省孽

可息

子美

損降禍可違願進小臣語

叔才

兼為丹宸規

偉哉聰明主

子美

勿遺地動詩

叔才

集句

送吳顯道

王安石

五湖大浪如銀山問君西遊何當還以手撫膺坐長歎
空手無金行路難丈夫意有在吾徒且加餐屏風九疊
雲錦張千峯如連環上有橫河斷海之浮雲可望不可
攀飛空結樓臺動影裏窅冲融間沛然乘天遊下看塵

世悲人寰泊舟潯陽郭去去翔空廓君今幸未成老翁
衰老不復如今樂

戲贈湛源

王安石

恰有三百青銅錢憑君為笑小行年坐中亦有江南客
自斷此生休問天

與北山道人

王安石

可惜昂藏一丈夫生來不讀半行書子雲識字終投閣
幸是元無免破除

示蔡天啓

王安石

身著青衫騎白馬日馳三百尚嫌遲
心源落落堪為將却是君王未備知

烝然來思

王安石

烝然來思送程公也公來以藁廩饋我我飲餞之率
西水滸故作是詩

念我獨兮亦莫我顧烝然來思程百休父我有旨酒爾
穀伊脯酌言疇之式歌且舞不留不處適彼樂土言秣

其馬率西水許有客宿宿于時語語山有喬松江有渚
式適其歸不我與作此好歌倡予和女

集杜詩句

寄孫元忠

孔平仲

君不見瀟湘之山衡山高八月秋高風怒號草木黃落
龍正蟄哀鴻獨叫求其曹男兒生無所成頭皓白漂零
已是滄浪客呼兒覓紙一題詩此心炯炯君應識

宋文鑑卷二十九

欽定四庫全書

宋文鑑卷三十

宋 呂祖謙 編

騷

如騷者亦附

山中之樂

歐陽修

佛者惠勤餘杭人也少去父母長無妻子以衣食於
佛之徒往來京師二十年其人聰明材智亦嘗學問
於賢士大夫今其南歸遂將窮極吳越甌閩江湖海

上之諸山以肆其所適予嘉其嘗有聞於吾人也於
其行也為作山中之樂三章極道山林間事以動蕩
其心意而卒反之正其辭曰

江上山兮海上峯藹青蒼兮香噴叢霞飛霧散兮
邈乎青空天鏡鬼削兮壁立於鴻蒙崖懸磴絕兮
險且窮穿雲渡水兮忽得路而不知其深之幾重
中有平田廣谷兮與世隔絕猶有太古之遺風泉
甘土肥兮鳥獸雖雝其人麋鹿兮既壽而豐不知

人間之幾時兮但見草木華落為春冬嗟世之人
兮曷不歸來乎山中山中之樂不可見兮子其往
兮誰逢

丹莖翠蔓兮巖壑玲瓏水聲聒聒兮花氣濛濛石巉巖
兮橫路風颯颯兮吹松雲冥冥兮雨霏霏白猿夜嘯兮
清風朝日出兮林間澗谷紛兮青紅千林靜兮秋月百
草香兮春風嗟世之人兮曷不歸來乎山中山中之樂
不可得兮子其往兮誰從

梯崖架險兮佛廟仙宮
耀空山兮鬱穹隆
彼之人兮固亦目明而耳聰
寵辱不干其慮兮仁義不被
其躬
蔭長松之蓊蔚兮藉纖草之丰茸
苟其中以自足兮忘其服乎而顛童
自古智能魁傑之士兮固亦絕世而逃蹤
惜天林之甚良兮而自棄於無庸
嗟彼之人兮胡為老乎山
中山中之樂不可久
遲子之返兮誰同

逐伯強文

劉 敞

寶元三年予羈旅淮南醫來言曰今茲歲多疾
疫予因作文以逐伯強伯強厲也能為疫者故逐
之

皇皇上天兮后土浩浩厥生孫繁兮其地甚溥陶陶仲
夏兮草木蕃蕪鳥獸孳息兮我民樂胥我民孔靈兮上
帝是仁天子聖兮百工日新上無秕政兮下無悖人鄰
里其集兮樂哉欣欣伯強何為兮孰畀以政反世五福
兮持極以令我民不怡兮既爽其盛黑白眩瞽兮孰察

其正謂壽反天兮謂康反病仁義無益兮苟且為幸嗟
爾伯強兮其獨何心絕世和氣兮俾民不任上天孔神
兮大德曰生天不可長罔兮民不可久侵天誅誠加兮
安所避雷公驅兮風伯逝嗟爾伯強兮何所詣南有蠻
兮為寇為逋西羌戎兮恃艱自虞天子孔仁兮靡焉畢
屠伯強往兮代天伐誅嗟中國兮不可久留子不去兮
顛倒思子

屈原嘏辭

劉敞

梅聖俞在江南作文祝於屈原譏原好競渡使民習
尚之因以鬪傷溺死一歲不為輒降疾殃失愛民之
道其意誠善也然競渡非屈原意民言不競渡則歲
輒惡者訛也故為原作嘏辭以報祝明聖俞禁競渡
得神意

維時仲夏吉日維午神歆既祠錫辭以嘏曰朕之初皇
揆於度嘉朕以名終身是守抑豈不淑不幸逢遇離愍
被憂天不可訴宗國為墟寧取自賊朕為忍生豈不永

年悃悃荆人是拯是憐赴水蹈波疾不廢旃既招朕魂
巫祝背先豈朕是私將德是傳淪胥及溺初亦不悛其
後風靡民益輕死匪朕之心是豈為義婦弔其夫母傷
其子人訊其端指予以詈予亦念之其本有自昔朕婞
直不為衆下世子尚之謂予好怒昔朕不容自投於江
世子尚之謂予棄躬既習而鬪既遠益繆被朕偽名汙
朕以咎朕生不時亂世是邁民之秉彛嘉是直道從仁
於井朕亦不取汝禁其俗幸懷朕忠好競以誣一何不

聰我實鬼神民馬是主其祀其禱予之所厚予懼天明
馬事戲豫予憫橫流馬事競渡予懷堯舜馬事狎侮汝
維賢人曾不予怒徇俗雷同譏予以好履常徇直切諫
盡節人神所扶未必皆福去邪即正何以有罰曾非予
懷可禁其為毋使佞臣指予為戒錫爾多福畀爾龐眉
使爾忠言於君畢宜

釋謀

王安石

雲冥冥兮蔽日風浩浩馬吹沙出予馳兮不得魂獨處

兮咨嗟嗟天地兮无窮暑與寒兮相客以短褐兮憂親
孰知予兮孔棘維抱闕兮擊柝乃予任兮所宜祿可辭
兮尚冒養孰割兮方虧豈吾事兮固拙寧我辰兮獨恃
信物黠兮有制尚可侔兮内外

寄蔡氏女子

王安石

建業東郭望城西堠千嶂承宇百泉遠雷青遙遙兮纒
屬綠宛宛兮橫逗積李兮縞夜崇桃兮炫晝蘭馥兮衆
植竹娟兮常茂柳青綿兮含姿松偃蹇兮獻秀鳥跂兮

上下魚跳兮左右顧我兮適我有班兮伏獸感時物兮
念汝遲汝歸兮攜幼

九誦

鮮于侁

堯祠

車麟麟兮廟堦鼓坎坎兮祠下竽琴兮並奏潔時修兮
虔祠事瑤華為饌兮沆瀣為漿象籩玉豆兮金鼎煌海
珍野藪兮雜錯而致誠神之來兮風雨蕭蕭前驅於畢
兮上有招搖羽林為衛兮虹霓為旗鳳凰左右兮擾伏

蛟螭神之降兮金輿靈欣欣兮
肸鬻德難名兮覆幬千
萬年之不忘

舜祠

道歷山兮透蛇思古人兮感歎並儲胥兮肅止仰曾雲
兮晻暎獸何鳴兮林中鳥何悲兮山上木何為兮不剪
草何為兮茂暢帝之神兮在天帝之德兮在人物具兮
四海心精兮一純采秀實兮山間摘其毛兮澗底玉醴
湛兮瓊茅希修雜兮蘭茝樂備兮九奏鳳舞兮儀韶人

駿奔兮如在君卒享兮神交

周公

噫嗟兮文公歸然兮祕宇悵王室兮多難獨勤勞兮左
右四國流言兮冲人不知東征問罪兮惛惛不歸大雷
以風兮天威震驚并啓金滕兮袞衣有光公之心兮大
成文武公之子兮建侯啓土山川兮附庸奄鳧繹兮龜
蒙萬子孫兮承祀億兆人兮仰止惟天子之歎嗟兮不
復見於寤寐何莽新之假攝兮文姦言而欺一世造作

詭故而戕劉兮亦亟殄宗而絕嗣公之聖而德協天兮
何妄人之輒自擬俾其顛而不終兮天實表公衷而警
後肅進拜於廟堂兮宜奉時之牲酒鼓鐘兮在宮琴瑟
兮在堂神之格兮樂享民欣欣兮不忘

孔子

曲阜兮遺墟先師兮闕里神髣髴兮如在涕潺湲兮不
已窮天地兮一人揭日月而照臨生無萬乘之位兮三
千之徒心服而四來嗟愚陋之不明兮乃商賜之為疑

羌紛紛其妄作兮悖道違義而弗自知顧六藝之折衷
兮取捨縱橫而協於道後世苟輕肆於胸臆兮必遽貽
於詬病三綱立而五教明兮實治世之宏矩履厚地而
戴高天兮胡一日之可捨宜萬齡之廟貌兮春秋不乏
其時祀合仁義以為冠兮結忠信而為佩集道德以為
裳兮服文章而為帶列籩豆為左右兮蘋藻牲牢而潔
肥酌玉醴以為酒兮錯瓊瑤而為筵升堂而北面兮望
冕旒之巍巍惟神明之降鑒兮洞精神其來歎

嶽神

雲蒼蔚兮山之巔瞻嶽靈兮望青天嶄巖嶒兮磅礴
無垠巖嶒律勃兮寧一以為仁草木雜而羅生兮人不
可名鳥獸蕃而走集兮虞不能知因高錯事兮道此躋
陞登岱勒成兮胡為而七十二君齊余心兮不外高余
冠兮甚偉擷芳杜兮為衣掇紫芝兮作佩栢實兮松華
石髓兮蘭英蕙肴陳兮玉案明水湛兮清尊誠拳拳兮
不解寐接神兮恍若有言嵩高峻極兮生甫與申周道

將明兮宣以中興水旱不常兮蟲螟以災稼穡卒荒兮
民生流離勞來安集兮之子之功祐此下民兮寧遺神
羞

河伯

清秋方初兮靈雨降而無時舊坊弗治兮河水泛濫而
為災滴汨沸渭兮澎湃奔波而需來崩騰覆溺兮夫豈
河伯之不仁汗漫千里兮蕩然室閭耄稚驚號兮丘冢
為家蛟螭憤怒兮魚鼈縱橫鼉鼉馳騫兮鳧鷖飛翔皇

天無親兮視聽以民五序參差兮咎極以滋聖惟唐堯
兮固遭橫流臣有舜禹兮與心所依禦災拯溺兮九叙
可歌四凶遂去兮二人以陞天地平成兮海隅蒙福白
馬玉璧兮非神之欲

箕子

偉夫子之正諒兮適遭世以離尤悼祖宗之累積兮大
命顛而逢憂忠良屏遠兮讒諛寔寔昌神龜在塗兮虺蟒
升堂紫鸞數置兮鳩羽飛揚騶虞潛遜兮豺虎縱橫江

離鉏割兮鈎吻日滋芳荃不御兮蔓草難圖比干剖心
兮天子佯狂蒙以正兮大明其傷靈修不察兮國以云
亡舊邦維新兮武功以成囚奴釋辱兮作賓於王九疇
演繹兮大法以彰五事欽明兮君道日隆彝倫攸叙兮
庶政其凝朝鮮分封兮夷貊化行傳國中山兮蕃子以
孫廟貌有嚴兮祀典攸存歲時奉事兮斯千萬年

微子

肇公孫之璇源兮元鳥降而生商並禹稷之聖賢兮實

惟桓撥之王歷媯妣之世數兮道日躋於武湯始伐罪
於仇餉兮人怨咨而徯來顧寬仁之宜民兮天俾式于
九圍諒除殘而代虐兮猶云德之有慙賴燕翼於孫謀
兮治克舉於三宗老成不怨於不以兮隱處不傷於厄
窮世四十有六而下衰兮豈天命之將隳實遭家之不
嗣兮顧麗色之惟微念社稷之顛傾兮七廟無所憑依
帝眷在於有周兮抱祭器而馬歸雖白馬之見廟兮聊
血食於商丘偉夫子一言兮誠有取於三仁

雙廟

旌頭光芒兮戎馬馳海水沸蕩兮鯨鯢飛煙塵蔽日兮
殺氣昏金鼓轟天兮山岳奔小國不守兮大國顛傾王
侯戮辱兮蚍豕肆行二公仗義兮捍賊睢陽析骸易子
兮併力小城勢窮力殫兮外無救兵亡身徇國兮寧屈
虎狼仰天視日兮氣以揚揚衣纓不絕兮貌如平生旅
遊馳驅兮歷此舊都致詞雙廟兮涕泗不收惟忠與孝
兮死義為尤遭世擾擾兮適履其憂訐謀顛置兮邊將

卷三十
怙功尾大權移兮三鎮握兵忠賢在野兮讒邪肆意女
謂內用兮戚臣外圯紀綱日紊兮典刑日弛胎禍階亂
兮誰執其咎義士沒身兮沈寃莫置猗歟二公兮行人
歎歎

上清辭

蘇軾

君胡為兮山之幽顧宮殿兮久淹留又曷為一朝去此
而不顧兮悲此空山之人也來不可得而知兮去固不
可得而訊也君之來兮天門空從千騎兮駕飛龍隸星

辰兮役太歲儼晝降兮雷隆隆朝發軫兮帝庭夕弭節
兮山宮壙有妖兮虐下土精為星兮氣為虹愛流血之
滂沛兮又嗜瘡癘與螟虫嘯盲風而涕淫雨兮時又吐
旱火之煙融御帝命以下討兮建千仞之修鋒乘飛霆
而追逸景兮歛若掃滅而無蹤忽崩播其來會兮走海
岳之神公龍車獸鬼不知其數兮旗纛晝靄而冥蒙漸
俯偃以旅進兮鏘劍佩之相聳司殺生之必信兮知上
帝之不汝容既約束以反職兮退戰栗而愈恭澤充塞

於四海兮獨淡然其無功君之去兮天門開款閭闔兮
朝玉臺羣僊迎兮塞雲漢儼前導兮紛後陪歷玉階兮
帝迎勞君良苦兮馬虺隤閔人世兮迫隘陳下土兮帝
所哀返瓊宮之嵯峨兮役萬靈之喧阗默清淨以無為
兮時節狩於斗魁詣通明而獻黜陟軫蕩蕩其無回忽
表裏之煥霍兮光不燭於九陔時遊目以下覽兮五岳
為豆四海為杯俯故宮之千桂兮若毫端之集埃來非
以為樂兮去非以為悲謂神君之既返兮曾顏咫尺之

不違陞祕殿以內憇兮魂凜凜而上馳忽寤寐以有得
兮沐浴而獻辭是耶非耶臣不可得而知也

黃泥坂辭

蘇軾

出臨臯而東鶩兮並聚祠而北轉走雲堂之陂陲兮歷
黃泥之長坂大江洶以左繚兮渺雲濤之舒卷草木層
累而右附兮蔚柯丘之葱蒨余旦往而夕還步倚徙而
盤桓雖信美不可居兮苟娛余於一盼余幼好此竒服
兮襲前人之詭幻老更變自哂兮悟驚俗之來患釋寶

璐而被繒絮兮雜市人而無辨路悠悠其莫往來兮守
一席而窮年時游步遠覽兮路窮盡而旋反朝嬉黃泥
之白雲兮暮宿雪堂之青煙喜魚鳥之莫余驚兮幸樵
蘇之我媠初被酒以行歌兮忽放杖而醉偃草為茵而
塊為枕兮穆華堂之清晏紛墜露之濕衣兮升素月之
團團感父老之呼覺兮恐牛羊之子踐於是蹶然而起
起而歌曰月明兮星稀迎余往兮餞余歸歲既晏兮草
木腓歸來歸來兮黃泥不可以久嬉

南山之田

王令

南山之田兮誰為而蕪南山之人兮誰教墮且來者何
為兮徑者誰趾草漫靡兮不種何自始吾往兮無耜吾
將歸兮客我止要以田兮寄於治我耕淺兮穀不遂耕
之深兮石撓吾耒吾耒撓兮嗟耕難雨專水兮日專旱
借不然兮穎以秀螟懸心兮騰開目我雖力兮功何有
雖然不可以已兮寧時我違而我不負

我思古人

王令

我所思兮忽古今之異時生茲世以為期欲勿思而奈
何獨斯人之弗見故永懷而自歌樂吾行之舒舒忽忘
世之汲汲睇萬里以自驚兮豈寧俯以効拾載重道遠
兮予欲行而誰與累九鼎以自重兮固厄之不舉矯身
以為衡兮權世之重輕廣道以為路兮聽人之來去

山中辭

王令

山中兮何遊登彼山兮樂夫高棄吾馬兮取步降吾車
兮足兩履石當道兮行旁木礙上兮下俯曾蹈險之非

艱聊憑高而下顧何所視之乃牛而獨見之如鼠彼侏
侏者出其下兮曾其身之非偃于嗟怛兮離婁之死則
已古不較其為短長兮何獨計其高下山之高兮崔嵬
山之路兮百折而千回趨前行而就攬笑顧後使推之
彼遊者誰兮何以子之車來

江上辭

王令

江之水兮東流沂湍流兮寄吾舟舟無柁兮載函重風
乘波兮棹人用濟不濟兮奈何橫中流兮涕滂沱來何

為兮不待兮雖嗟兮安悔舟方乘兮人不吾以覆且溺
兮我同人死江之水兮東流濟欲濟兮何由水浸浸兮
灘露暮濤下兮夜潦收舟不行兮推之於陸力不足兮
汗顏行無由兮塗足時不逝兮奈何歸日暮兮塗遠風
高兮水波行躊躇兮竚望聊逍遙兮永歌江之水兮東
流沿湍流兮望歸舟舟來歸兮何時步芳洲兮濯足陟
南山兮采薇江風波兮日暮望夫人兮未來江之水兮
東流沿湍流兮望歸舟風滔滔兮浪波若嗟往者兮未

還惜行人兮將去去何道兮歸何時執子手兮牽子衣
行何如今來復濟豈無兮它時

放言

秋遵度

惘兮忽長不樂兮安極眺平野兮千里坐空館兮四壁
對寒日兮蒼莽披勁風兮悽慄鳥悲鳴兮羣喪草離披
兮路塞嗚呼物之生天地間雖大小參差不齊然其材
亦各有所適草木不以微而廢其用陵丘不以大而專
其職獨人事豈不然亦由茲而可識性之稟既有賢愚

之異位之設亦有貴賤之隔使大小各得盡其材譬一體之和懌及年歲之未暮兮思欲竭其所得曷獨求己之為兮顧泯然者可惻古之聖賢固癯瘁而不敢暇兮畏天命之誅殛天之賦已以是材兮敢不奉而驚惕嗚呼而今而後用與不用吾將繫之於天在己之有固斯須而不敢數

幽命

沈括

山木嘯兮雲幽幽秣我歸馬兮無為久留江鼉翔兮雨

漫漫回予車兮水漸憶仲何為兮中野澹將洋兮疎駕
目遊兮形留鬱逍遙兮日下瀉瀑兮流觀舞節兮浩望
駟黃戾兮靡騁旋吾輪兮焉往不我虛兮斯辰思何為
兮鞅掌

題禹廟壁

劉 翼

皇祐二年秋予自閩由太末登天台川陸間行至於郡
凡數千里觀山澤之可樹殖者或荒瀦焉田畝之可畝
澮者或漫滅焉自剡而西遇雨數日農田甚豐垂穫而

遭霖潦之害春夏斯民饑孳瘵瘠未起者重因是水予
心哀焉嗚呼宜樹殖而荒瀦凍餒之源也宜畝澮而漫
滅水旱之道也天地非不生且育然而吾民重罹饑困
贊乎化育之道未至焉耳夜過鑑湖人指南山而告曰
禹廟也予具冠帶瞻望內起恭肅不覺感歎泣下既而
欲誌其事厥明次於會稽之門遂寫屋壁其歌曰

地生財兮天生時聖賢之贊育兮咸適其宜畝澮距川
兮川距海水旱罔至今民無凍饑畝田是起兮帝載以

熙萬世永賴兮胡不踐履而行之嗚呼禹乎誰知予心
之增悲

詆風穴

劉放

背崧右洛兮維汝泱泱左界韓鄭兮前關魯陽陵丘曼
延兮土膏脉良生植遂茂兮厥夭且長浴飄風兮胡很
而狂乘冬肆威兮怒號以常通晝且夕兮日月奪光宇
宙昏惑兮顛倒玄黃折枝排根兮松桂毀傷衝空動楫
兮披戶登堂獸亡其曹兮鴻鵠失翔問誰尸之兮底此

不祥曰茲穴之詭異兮竊神之機幽峻窮竒兮狹中不
夷鼓舞蜚廉兮招搖南箕平居無事兮淫樂而爾為歷
九州而遐觀兮孰樂土其若此獨蠻夷之僻陋兮乃自
古記之矣邈炎洲之荒忽兮汨大海其千里上霧下潦
兮墊隘瘴癘魑魅羣遊兮樂人之死蓄為颶風兮瘡毒
疵癘扶濤駕山兮舟航糜毀歷日旋時兮然後得已西
極曠蕩兮陰磧無垠流沙不波兮瀚海無泉五穀不生
兮蓬棘萋萋熱風之來兮天地翳昏觸肥為瘠兮四肢

若燔亦幸有老聃之先知兮嗚呼而告言歸命野獸兮
厯焉得存彼鬼方之幽明昧兮固宜以然慨中土之與
隣不避不偏胡宥神之忍兮固蔽以頑用夏變夷兮至
於髦蠻外百里而不同兮茲邑獨為匪民帝之高居兮
臨照在下虎豹服仁兮九閹莫阻巫咸上愬兮帝命斯
許巨靈夸娥兮幹其絕替拔山投石兮北海之渚大野
夷奕兮八風攸叙號令專一兮莫予莫侮蒙常聖時兮
維民所取宥神雖悔兮夫孰閔汝

弔王右軍宅辭

錢公輔

晉王右軍宅辭越之蕺山為浮圖而繪像存焉好事者
猶能指墨池鵝池之遺迹而表識其上予嘗恨東南山
之佳水之勝多奪於浮圖氏而衣冠隱淪無一人得之
者既過右軍宅擲文以弔之曰

晉去今兮千齡未餘彼山蕺兮晉賢人之故居故居泯
其幾時兮今變化於浮圖嗚呼傷哉絕雲魏岡葱葱蒼
蒼竹茂草美煙高氣長古松蒼兮虬盤怪石呀兮虎驤

前稽嶺之橫峙兮下鑑水之輝光遠市井之喧卑兮據
城壘之低昂春可遊而縱望兮夏可息而淒涼秋可登
而感慨兮冬可處而樂康無一時之不得宜兮環一目
而周四方真孤高之所廬兮非醜族之能當生宜形體
之放浪兮死宜魂魄之棲藏嗚呼傷哉彼靈何之兮默
不聞一怪與一祥果無知兮徒結塞予之中腸果有知
兮奚坐視緇徒之賊戕將後葉之湮淪兮無能振其祖
芳抑亂離之荐遭兮百易主而百亡吾固弗得而知兮

茲涕泗而徜徉嗟道之衰兮異姓類蠹侵而日昌嗟越
之雄兮豈微一丈夫之勇剛如可贖兮雖萬金可捐萬
室可償胡恬夷而莫醜兮往往助資其棟梁聊捐文於
山之側兮將鑿石乎洲之堂嗟嗟越人窮千萬春兮宜
吾文之弗忘

解雨送神曲

李常

怒風兮揚塵日爍石兮將焚水泉竭兮厚地裂嘉穀稟
兮孰媯且耘神龍兮靈壑挹清波兮幽瀆鳴鼉鼓兮舞

神現庭下鑒兮霈祥氛

觸石兮山巔
倏四驚兮天邊
驚霆怒兮電熾
翻河漢兮
繩懸黍離離兮
發嘉穗
壠高下兮
水潺湲
灌吾人兮
拜
貺請奉事兮
無有窮年

肅旂旆兮先驅
咽簫笳兮擁歸輿
椒醑甘兮牲幣潔如
肸蠁兮為之踟躕
瞻前山兮嵯峨
指去路兮縈紆
神德
大兮報無以稱
徒感涕兮長吁

超然臺詞

文同

方仲春之盎盎兮覽草木之菲菲胡怫鬱於余懷兮悵
獨處而無依陟危譙以騁望兮丘阜推萎而參差窮莽
蒼以極視兮但浮陽之輝輝忽揚颺以晦沫兮灑氣靈
於四垂躡余之所行兮溷溷其安之蛻余神以遐驚兮
控泐寥而上馳闢晦曖以涉瀕洞兮揮霓旌而掉雲旗
擺長彗以夭矯兮從宛虹之委蛇曳采旒以役朱鳳兮
駕瓊輶而驅翠螭涉橫潢以出沒兮歷大曜而蔽虧翀
萬里以一息兮俯九州而下窺有美一人兮在東方去

日夕兮不能忘凜而潔兮岌而長服忠信兮被文章中
皦皦兮外琅琅蘭為襟兮桂為裳儼若植兮奉圭璋哉
光耀兮祕芬芳賈世用兮斯卷藏遊物外兮肆猖狂余
將從之兮遙相望回羊角兮指龍肱轉嶠夷兮蹴扶桑
筇參山兮聊徜徉下超然兮拜其旁顧有問兮言非常
忽掉頭兮告以祥使余脫亂天之罔兮解逆物之韉已
而釋然兮出有累之場余復僂僂兮來歸故鄉

濂溪詩

黃庭堅

春陵周茂叔人品甚高胸中灑落如光風霽月好讀書
雅意林壑初不為人窘束世故權輿仕籍不卑小官職
思其憂論法常欲與民決訟得情而不喜其為小吏在
江湖郡縣蓋十五年所至輒可傳任司理參軍運使以
權利變具獄茂叔爭之不能投告身欲去使者斂手聽
之趙公閱道號稱好賢人有惡茂叔者趙公以使者臨
之甚威茂叔處之超然其後迺寤曰周茂叔天下士也
薦之於朝論之於士大夫終其身其為使者進退官吏

得罪者自以不寬中歲乞身老於湓城有水發源於蓮
花峯下潔清紺寒下合於湓江茂叔濯纓而樂之築屋
於其上用其平生所安樂媿水而成名曰濂溪與之游
者曰溪名未足以對茂叔之美雖然茂叔短於取名而
惠於求志薄於徼福而厚於得民菲於奉身而燕及乳
媿陋於希世而尚友千古聞茂叔之餘風猶足以律貪
則此溪之水配茂叔以永久所得多矣茂叔諱惇實避
厚陵奉朝請名改惇願二子壽燾皆好學承家求余作

濂溪詩思詠潛德茂叔雖仕宦三十年而平生之志終
在丘壑故余詩詞不及世故猶髣髴其音塵

溪毛秀兮水清可飯羹兮濯纓不漁民利兮又何有於
名絃琴兮觴酒寫溪聲兮延五老以為壽蟬蛻塵埃兮
玉雪自清聽潺湲兮鑒澄明激貪兮敦薄非清蘋白鷗
兮誰與同樂

津有舟兮蕩有蓮勝日兮與客就閒人聞拏音兮不知
何處散髮醉高荷為葢兮倚芙蓉以當妓霜清水寒兮

舟著平沙八方同宇兮雲月為家懷連城兮佩明月魚
鳥親人兮野老同社而爭席白雲蒙頭兮與南山為伍
非夫人攘臂兮誰余敢侮

明月篇贈張大潛

黃庭堅

天地具美兮生此明月陞白虹兮貫朝日工師告余曰
斯不可以為佩棄捐積中兮三歲不會霜露下兮百草
休抱此耿耿兮與日星遊山中兮招招耕而食兮無
卹榛艾蓁蓁前吾牛兮痕不可更扶淺耕兮病歲深耕

兮石嬰耜登山兮臨川雉得意兮魚樂小風兮吹波從
其友兮尾尾日下兮川遊射雉兮喪余一矢佳人兮潔
齊悵何所兮行媒南山有葛兮葛有本我羞鋪兮以君
之鉏來

秋風三疊寄秦少游

邢居實

秋風夕起兮白露為霜草木憔悴兮竊獨悲此衆芳明
月皎皎兮照空房晝日苦短兮夜未央有美一人兮天
一方欲往從之兮路渺茫登山無車兮涉水無航願言

思子兮使我心傷

秋風淅淅兮雲溟溟
鴻臚書號兮蟋蟀夜鳴
歲月徂邁兮忽如流星
少壯幾時兮老冉冉其相仍
展轉反側兮從夜達明
悵獨處此兮誰適為情
長歌激烈兮涕泣交零
願言思子兮使我心恨

秋風浩蕩兮天宇高羣
山逶迤兮溪谷寂寥
登高望兮不自聊
駕言適野兮誰與遊
遨空原無人兮四顧蕭條
猿狖與伍兮麋鹿為曹
浮雲千里兮歸路遙
願言思子

今使我心勞

華清宮詞五首

田晝

帝將汰兮般樂曠名山兮華薄羌誰為兮雲中眇殿兮
戍削飛檐兮轍轍綉栢兮錯稅颺壁門兮鈿砌承桂柱
兮璇跋梅有壇兮椒有苑煥芳蓮兮水澹澹晞組岫兮
晃朗建明珠兮直上彤樓兮綠閣瑤壇兮羽幄犬羊兮
西清鹿得名兮山客殷復殷兮夷城駕繚復繚兮女牆
下儼龍旌兮鳳蓋悅而明兮忽而曠與女獵兮河曲金

為羈兮玉為勒與女席兮天涯霓為裳兮羽為衣望夫
君兮余思樂不極兮告我以不歸悵千秋兮若此時不
可兮屢得

有美一人兮心所歆被姣服兮織躡英朝與出遊兮夜
忘歸山之樊兮羅百司鉤膺兮陸續五貴般兮相屬沫
灑駒兮驚寶軸諸娣從之兮兩大國屏屏兮象筵墮珥
兮委鈿捐珠琲兮霧散裊蘭氣兮宛延霞冠兮翠珮壑
巾幘兮雲之際合衆豔兮儵爚轉清臚兮流涕飲音兮

眇眇芳塵兮縹縹騁秘樂兮天中播鐘虞兮夾陳龜盤
兮羯鼓堦篴高張兮紛縣縣而來下奄四海兮黷侈君
之心兮未已邑里移兮朝會遷光葦蕤兮列貂蟬顧文
葆兮肩扇悄不愕兮不言陣玉座兮金雞錫之帶兮十
圍夫人自秉兮美質蹇何為兮爾疑

浴芳華兮瑤池待夫人兮未來忽中變兮偃蹇拓九闕
兮洞開鬱勃兮駸駸策駿駿兮奔蜻捩鉦鼓兮蔽野戈
鋌動兮拂霓操吾矛兮反吾逐兵接腋兮車接轂帝順


動兮將焉薄屠雲駒兮徹豐屋龍轍兮華輶和鸞兮啾
啾擁周衛兮失次旂旗紛兮九旒臣鄰兮嬪御任攘兮
載路鈿扇兮揄翟魚須笏兮赤纒烏騰駕君兮逶遲憑
余怒兮不夷踈美人兮道曲悵羽袖兮襪褫朝弛鞅兮
山阿夕流憩兮江澣折瓊枝兮蕙蒞將以遺兮無所歌
汾寫兮悲秋風邑邑兮余愁歎與爾兮目結心騷屑兮
顧懷

天兵合兮龍犀兕銷氛沴兮奏膚公皇穆穆兮來歸盍

將疑兮層官秋風兮颼颼紅實兮離離泥無人兮跡絕
敝紫殿兮金扉霜霑庭兮月侵墀蹇果思兮失玻璃愴
石溜兮激濯芳葩兮儼如昔錦鳧兮繡鷺思柔匹兮妍
嫵溟海阻兮太息魂之來兮秋之夕涕煢煢兮增悲救
所思兮為余翳之解幃袂兮玉體謂芬馨兮可佩促而
社兮原中遺而履兮行路覽故處兮猶疑徒丹楹兮延
佇

秣余馬兮脂余車歲二月兮西南徂登朝元兮騁望興

廢忽兮愁予龍坳兮疊疊清川兮瀾瀾浮綠樹兮中天
非雲非煙兮眇如薺蔚豐壤兮氣冲融疇隴靜兮芳卉
明灼衺服兮雅豔發組繪兮鮮榮祥光兮繞繚紅霓迴
氛兮海收潦軼咳語兮曾穹薄飛欒兮下眺撫華清之
巨麗兮孰轉踵而失之望秦陵之陂陲兮羌鬱鬱而蔽
之驪之山兮畢之原丘纍纍兮草芊芊諒前世兮俱盡
余又悲兮有唐



宋文鑑卷三十